




12. V. 431





Digitized by the Internet Archive
in 2010 with funding from

Open Knowledge Commons and Harvard Medical School





IACOBI JOSEPHI PLENK
CHIRVRGIAE DOCTORIS, ANATOMIAE, CHI-
RVRGIAE ARTISQVE OBSTETRICIAE, PROF-
PVBL. IN CAES. REGIA VNIVERSITATE
TYRNAVIE NSI.

METHODVS

NOVA ET FACILIS

ARGENTVM VIVUM AEGRIS VENEREA LABE
INFECTIS EXHIBENDI.

ACCEDIT HYPOTHESIS NOVA

DE ACTIONE METALLI HUIVS
IN VIAS SALIVALES.




VIENNAE,
APVD RUDOLPHVM GRÆFFER,
MDCCCLXIV.

9671

Hic est, aut nusquam, quod quærimus.

HORAT.



P R A E F A T I O.

*M*ultis, opinor, mirum videbitur, metallicum, post aurum ponderosissimum corpus, argentum vivum, arctam cum vegetabili gummi subire mixtionem, nec ruditer solum huic permisceri, sed intime subigi, & uniri vinculo adeo sociali, ut dein ambo in aqua maneant suspensa aliquanto tempore, atque etiam sedimento posito unita descendant ambo, nec sese dismittant unquam. *Hæc tamen ita prorsus se babere, docet experientia, simplex qui-*

dem illa ; sed quanto simplicior , tanto mi-
nus errori obnoxia , tanto & evidentior.

Nunquam non suapte natura utilis est
experientia , qualiscunque demum illa fue-
rit. Nam si etiam aliud emolumentum
non adfert , animum saltem a præjudiciis
liberat , obscura illustrat , dubia secernit
ab indubiis , fingendi licentiam compescit ,
mira sæpe phænomenorum varietate dele-
stat , animum addit ad ulteriora tentami-
na , limites demum auget scientiarum. Sed
multo majus est experientiæ emolumentum ,
quod extra eruditorum musæa , & in rem
publicam , inque bonum civium plurimorum
redundat. Talis potissimum est experien-
tiæ medicæ , & chirurgicæ , & œconomi-
cæ , effectus.

Tale

Tale & hoc nostrum experimentum est, quod, et si curiositatis multum beat, nunquam tamen ad scribendum impellere me potuisset, nisi utilitatem ejus insignem aliis tentaminibus compertam haberem. Dum vero repetitis observationibus vidi, posse ita ex argento vivo, gummi vegetabili subacto, remedium parari blandissimum, innocentissimum: dum insuper observavi, hoc in ægris labe venerea infectis plurimam præstare utilitatem, atque adeo esse medicamentum bis in casibus efficacissimum, in publica jam commoda me peccaturum existimabam, si ejusdem promulgationem diutius celarem.

Potuisset equidem meam potius hac in respectare commoditatem, ut qui aliquin baud in optima fortunarum conditio-

*ne sum locatus ; potuissim punica uti prud-
entia , & mibi servare arcanum , sic
forte magis frugiferum ; potuissim deni-
que KAYSERI , ex arcanis , at minus
efficacibus pillulis . iam opulentissimi , HE-
RENSCHWANDII , LANGHANSII ,
HILLII , aliorumque Illustrium Agyr-
tarum exempla notissima sequi , & tacite
mecum in sinu ridere.*

*Verumtamen ab indigno ejusmodi af-
fectu quam maxime semper meus abhorruit
animus , & abhorrebit , dum vivam . Op-
time enim novi , nos religione teneri , ad
ferendam aliis opem , siquidem illa in no-
stra potestate sit (*). Ne ipsi siquidem
ethni-*

^{*}) I. Petri. C. IV. v. 8. „Ante omnia
autem in vobis met charitatem habentes:
quia

ethnici populi, & barbari, usque adeo
humanitatem exuerunt, ut istius obligatio-
nis, ad quam jure naturæ tenemur, ob-
liviscerentur. Quantum non, prob pudor!
lucripetos arcanorum venditores con-
funderent, si in lucem redire daretur pris-
cis Assyriis, Babyloniis &c. apud quos
lege cautum erat, ne quis ægrotantem
præteriret expositum, ni remedium, si
quod nosset, candide & nulla spe merce-
dis aperiret?

Est vero alia longe Vindobonæ nostræ
facilitas, quam unice Illusterrimi Viri

A 4

L.

quia charitas operit multitudinem pecca-
torum “ Et ꝑ. 10. „ Unusquisque, si-
cut accepit gratiam, in alterutrum illam
administrantes, sicut boni dispensatores
multiformis gratiæ Dei. “

L. B. van SWIETEN sapientissimis consiliis debemus, qui omne suum studium, omnem laborem in augendos Medicinæ, practicæ imprimis, limites impedit; qui in eo totus est, ut in miserorum ægrotantium commoda, efficaciora & certiora in dies remedia detegantur, qui urbem nostram ab agyrtis, circulatoribus, lucripetis arcanorum seplasiariis, adeo olim inquilinis, penitissime repurgavit; dum interim Parisiis, Londini, aliisque in urbis Europæ maximis, id genus homines in commune ægrotantium detrimentum, & in ipsum medicorum opprobrium impune tolerantur. Est enim hæc Illustrissimi Viri sapientissima voluntas, ut, si quod usu eximio comprobatum alicui sit remedium, eo ipso in publicum id emolumen- tum vertatur, cum certe unius alteriusve homi-

bominis privatæ fortunæ non sint communi-
nibus civium bonis anteponendæ. Hanc
esse Viri Summi fixam ratamque senten-
tiam, ex propriis Ejus libris dilucide per-
spici potest; legantur modo ea, quæ de
cancro dudum olim Vir Illustrissimus
(*) & quæ postea alio capite scripsit
(**).

A 5

Exem-

*) §. 509. Comment. T. I. p. 901. „For-
te tamen & inde aliqua spes affulget, non
penitus impossibilem esse cancri separatio-
nem a partibus; licet hactenus ignoretur,
qua methodo, quibusve remediis, hoc fie-
ri possit. Quam felix ille qui hoc inven-
niret! quanta pœna dignus, qui inven-
tum celaret turpis lucri causa!“

**) T. IV. §. 1371. p. 729. „Sed quisque
novit, arcanorum venditoribus non sem-
per

Exemplo etiam omnibus & incitamento esse debet Vir Perillustris ac magnificus ANTONIVS STÖRCK, qui, plurimis inventis felix, quantocyus hæc in publicam utilitatem vertit, suamque in mendendo peritiam nihil reputavit, si non proficeret universis.

Hæc dum ego mecum attento pensarem animo, dum illustria ejusmodi exempla continuo menti obversarentur, dum insuper cogitarem, honesti & ingenui viri
boc

per habendam esse fidem. *Ingenuum decet, ut generis humani utilitatem lucro magis aestimet. Sed auri sacra fames sæpe aliud suadet. Nunquam me pœnituit, candide communicasse omnibus, si quid in-*

hoc esse officium, ut, si qua possit ratione, in publicam utilitatem suos impendat labores; fieri omnino non potuit, quin me compulsum & obstrictum sentirem, ut eam, quam experientia me docuit, novam & utiliorem argentum vivum ægris venereis exhibendi methodum, cum pubblico communicarem. Nec id ullius spe præmii facio, cui præmii loco sufficiat ulterior hujus methodi successus, & majus proximi levamen.

Nec invidorum convitia metuo, quum & clarissimi alii auctores eandem pro beneficiis humano generi præstitis experti sint

in arte utile novissem, nec pœnitebit,
certus sum, illo tempore,
„ — — dum numina nobis
mors instans majora facit.“


fint sortem, & magnanimitter ferant in-
anes invidiae morsus,

Quæ videt ingratos, intabescit videndo
Successus hominum, carpitque & carpitur
una,
Suppliciumque suum est.

OVID. METAMORPH. II.



ME.



METHODVS
NOVA ET FACILIS
ARGENTVM VIVUM
AEGRIS LABE VENEREA INFECTIS
EXHIBENDI,

CAPVT I.

Origo hujus methodi.

Cum aliquot ante menses occasio-
ne libelli, quo mercurii subli-
mati corrosivi efficaciam in
morbis venereis defendere suscep-
ram, in causam inquirerem, qua ar-
gen-

gentum vivum in vias salivales potissimum ageret, incidi de hoc phænomeno in sermonem cum Clarissimo Medicinæ Doctore, & amico meo, Philippo Ambrosio MARHERR, qui pro solito suo candore ingenue respondit: nullam hactenus certam hujus phænomeni rationem dari posse; de variis quidem hypothefibus cogitatum fuisse a variis auctoribus, sed earum nullam sufficere, & plausibilem PITCARNII opinionem, qui in gravitate mercurii rem acu tetigisse multis videbatur, adeo omni probabilitate spoliatam esse ab Illustrissimo L. B. van SWIETEN (*), ut in ejus defensionem nihil ultra supersit: sibi interim videri, mercurium cum saliva & muco majorem, quam cum aliis nostri corporis liquidis, affinitatem habere, & ideo forte os & fauces potissimum a mercurio peti. Addidit insuper perspicacissimus vir, perspectam

tam sibi esse aliquam mercurii exiguam portionem saliva subigi, sed videri sibi, majorem adhuc inter mucum & mercurium affinitatem intercedere; neque enim salivales solum glandulas, sed etiam mucosas petere mercurium, & præterea lentiorem muci naturam magis idoneam esse huic irretiendo, quam tenuiorem salivæ laticem; tentandumque in hujus rei certitudinem experimentum, quod hactenus neglectum esse crediderat ob nimiam solum rei simplicitatem, quæ & in multis aliis causa sit, cur hodieum complura lateant, forte non valde difficulter eruenda.

Illoco adeo perplacuit perspicacissimi amici opinio, ut e vestigio promiserim, me hanc propediem experimentis chemicis periclitaturum.

Postero igitur die experimentum institui, & vidi omnino exiguam argenti

genti vivi quantitatem saliva abscondi, multo tamen majorem a muco recipi, & expeditius subigi, atque ita opinionem viri doctissimi de illa mercurii cum his humoribus adfinitate penitus confirmatam ab experientia deprehendi, ipsique mox eventum omnem renunciavi.

Hoc facto una conclusimus, etiam cum aliis mucilaginosis corporibus, cum animali, tum vegetabili e regno petitis, tentandum esse mercurium, ut adpareat, an non aliæ quoque substantiæ plasticæ gelatinosæ illum possent subigere, & si quæ harum sint, an parum multumve a salivæ & muci animalis viribus differant. Hunc itaque in scopum sequentia instituta sunt experimenta.

Ex-

EXPERIMENTUM I.

Mercurius cum muco animali.

Mercurii vivi purissimi partem unam cum duabus partibus muci fau- cium exscreatione rejecti miscui & trivi in mortario marmoreo, exakte notando tempus, quo ad subactionem plenariam opus esset. Atque tum vidi spatio 7. minutorum horæ om- nem mercurium subactum in materiam gryseam, lentam, quæ tamen aqua adflusa parum suspensa manebat, sed ad fundum vasis cito subsederat, li- cet liber & sui juris factus non sit mercurius, sed muco unitus in fundo vasis restiterit. Erat vero pondus mercurii scrupulus, muci duplum.

Saliva longe minorem quantitatem mercurii subigit, & forte non alia de causa subigit, quam quod semper aliquam muci quantitatem sibi habeat permixtam, & purissimam salivam obtinere impossibile sit.

EXPERIMENTVM II.

Mercurius cum ovi vitello.

Integrum ovi vitellum cum mercurii vivi drachma una trivi in mortario marmoreo per horæ quadram; videbatur prima fronte sat bene subactus mercurius; verum adfusa aquæ fontanæ libra una, dilutaque vitelli ovi visciditate, mox vivus sincerusque mercurius ad fundum vasis secessit, & sensim in globulos notabiles coivit, vinculis omnino liber.

EXPERIMENTVM III.

Mercurius cum ovi albumine.

Albumen ovi minorem adhuc in argentum vivum efficaciam ostendit; nam drachma una mercurii cum ovi unius albumine per $\frac{1}{2}$ fere horam tenendo nullatenus potuit subigi, & adfusa aqua illico in maiores globulos coacervatus mercurius ad fundum subsedit,

Ex-

EXPERIMENTVM IV.

Mercurius cum sanguine & ejus sero.

Mercurium crudum cum sero sanguinis, ex proprio corpore prophylaxios causa detracti, commiscui, & ut antea trivi; aliqua omnino exigua subactio contigit, longe tamen minus firma, quam cum muco, & affermata aqua forma minimorum globulorum subsedit argentum vivum.

Idem tentavi cum rubra coagulati sanguinis parte, & idem fere phænomenon obtigit, nisi quod parum major seri, quam rubræ partis, in mercurium efficacia visa sit.

EXPERIMENTVM V.

Mercurius cum bile recente animali.

Drachmam unam mercurii vivi cum drachmis duabus bilis recentis

lucii piscis $\frac{1}{2}$ horæ trivi; difficillime & vix notabilis portio subigebatur; affusa aqua relapsus in fundum vasis mercurius in majoros globulos cito confluxit.

EXPERIMENTVM VI.

Mercurius cum ichthyocolla.

Ichthyocollæ drachmis duabus in gluten redactis unam argenti vivi addidi drachmam, hæc invicem ultra $\frac{1}{2}$ horæ assiduo labore contrivi; sed in ventos omnis meus faceſſit labor, nec tantillum mercurii ichthyocollam subiit.

Cum pinguedine denuo animali mercurium vivum subigi posse vulgarissimum & notorium est; sed sola mercurii vivi divisio, non adeo firma subactio ac cum muco, obtineri sic potest; liquata enim per calorem
pin-

pinguedine, imo s^epe sponte, mercurius in unguento neapolitano fundum petit vasis.

COROLLARIV M.

Ex hisce experimentis clare elucescit, mercurium manifeste multo maiorem cum muco, quam cum aliis animantium fluidis, affinitatem habere, atque hinc, si quæ alia fluida exiguum ejus particulam subigere valent, id forte solum a mucilagine, quæ his inest, pendere.

EXPERIMENTVM VII.

Mercurius cum gummi arabici mucilagine.

Cum itaque vidissim in prioribus experimentis, ex substantiis animalibus nullam esse idoneam mercurio exacte subigendo, præter mucum, qui hoc omnium optime præstat, curiositas me incessit, an non etiam ve-

getabiles muci, seu gummosæ substanciæ, idem efficerent, experiendi.

Itaque mercurii vivi drachmam unam cum duabus gummi arabici pulverati drachmis trivi per $\frac{1}{4}$ horæ in mortario, lapideo, per vices affundendo aquæ fontanæ exiguum portionem, donec in mucilaginem gummi liquefceret.

Non sine summa admiratione vidi sensim disparere mercurium, totum denique exacte subigi in mucum gryseum lentum, qui affusa integra aquæ fontanæ libra dilutus & conquassatus totam aquam gryseo colore inficit, partimque in ea suspensus manet, partim quieto post plura minuta vase lente ad fundum descendit, gryseum formans sedimentum, in quo argentum vivum exactissime gummoso lentore ita subactum est, ut, licet tanta aquæ copia dilutum, vinculum suum

suum non deserat, nec jam in globulos pro more suo coire possit.

Levi concussione lagenæ subsidens hic mucus iterum totus aquæ permisetur facile, & in liquidi superficie spuma candida, alta, nascitur, quæ & ipsa subtilissime attenuatum mercurium continet & suspendit; quippe annulum aureum, cui illinitur, argenteo colore imbuit & dealbat.

Minori cum quantitate, scrupulo nimirum gummi arabici in mucilaginem redacti, & granis decem mercurii vivi idem repetii experimentum, ut esset experimento primo parallellum. Atque intra 6 horæ minuta omnem mercurium subegi penitus, dum 7 minutorum tempore opus erat in experimento cum muco animali instituto. Igitur promptius adhuc cum gummi arabico mercurius init consonitum.

Sedimentum illud gummeo-mercuriale diutissime, per hebdomadas plures perstat vix mutatum, nisi quod longa temporis mora grumosius fiat, magisque nigricans, & minus æquabiliter liquido supernatanti misceatur; non tamen liberum dimittit mercurium, nisi liquido per filtrationem prius separato, calore furni exsicetur; tum vero simul & mucilaginis vis perit, & mercurius libertati suæ redditur, forma globulorum metallorum denuo vivus conspiciendus.

EXPERIMENTVM VIII.

Mercurius ope gummi arabici cum succis animalibus subactus.

Ex prioribus experimentis (2. 3. 4. 5. 6.) patuit, sanguinem & ejus serum, ovi vitellum & albumen, billem item animalem, ichthyocollam, vix notabili mercurii quantitati subi-
genda

genda sufficere: quod si autem hisce aliqua mucilaginis arabicæ quantitas admiscetur, mox æquabiliter cum his unitur argentum vivum, non secus ac dum mucus animalis additur. Hinc argentum vivum ope hujus substantiæ etiam aliis redditur miscibilis, cum quibus nullam, aut certe minimam affinitatem habet.

EXPERIMENTVM IX.

Mercurius cum gummi tragacanthæ.

Haudquaquam vis eadem est gummi tragacanthæ. Hoc etenim aqua affusa in mucilaginem redactum nullatenus satisfecit exspectationi. Nam et si omnem operam impenderem follicitus, & per $\frac{1}{2}$ horæ tritur ationem protrahere in, nihilo tamen subigi potuit vel tantillum mercurii, & affusa aqua, diluta mucilagine, vivus, metallica forma splendens, fundum vasis repetiit

EXPERIMENTUM X.

Mercurius cum mucilagine seminum cydoniorum.

Idem prorsus effectus fuit mucilaginis ex seminibus cydoniorum extractæ, cuius drachmæ tres cum drachma una mercurii assidua per $\frac{1}{2}$ horæ trituratione nihil subacti exhibuerunt.

EXPERIMENTVM XI.

Mercurius cum farina radicis althææ & amylo.

Farinæ radicis althææ subtilissimæ sufficientem aquæ quantitatem admissui, ut in speciem collæ abiret; additi mercurii vivi aliquantillum, ac per notabile tempus trivi. Sed & ab hac nullam subactionem observare datum est. Cum amylo autem mercurius tritus aliquantillum subigebatur.

Ha-

Habet autem amyłum gluten animale (*).

EXPERIMENTVM XII.

Mercurius cum manna calabrina.

Mannam quoque puram eadem ratione tentavi, cum videretur aliquid habere mucilaginis, & præterea vulgarissimus rumor sit, in KAISERI pilulis mannam recipi. Dulpam hujus quantitatem cum una mercurii vivi per $\frac{1}{4}$ horæ exacte trivi. At vix aliquid subigere potui; sed experimentum repetii cum manna vulgari, & in hacce vidi magnam mercurii portionem sat bene subactam esse.

EXPERIMENTVM XIII.

Mercurius cum melle crudo & despumato.

Mellis crudi, albi, tenacis drachmas duas cum una mercurii vivi drachma mi-

*) Cl. Profes. CRANTZ mat. med. T. I. p. 9. &
Illustr. L. B. van SWIFTEN C. E. IV. p. 107.

miscui, & per h̄ horæ trituravi. Non male subactum fuit hydrargyrum, & contra, quam sperari poterat, affusa etiam aqua mansit subactum, gryseumque ad fundum vasis sedimentum depositum, minus tamen bene aquæ miscibile, quam id, quod ex gummi arabici cum mercurio mixtione oritur.

Idem experimentum cum melle despumato repetii, sed effectu plane contrario; neque enim quidquam argenti vivi subactum fuit, sed omne affusa aqua in fundo vasis restitutum, globulis majoribus splenditis conspicuum.

Scilicet mel crudum aliquid mucilaginis habet, & inde fit, ut aptum sit subigendo mercurio; coctione vero ac despumatione ea mucilago melli demitur, hinc mel despumatum nullam in mercurium potestatem habet.

EXPERIMENTVM XIV.

Mercurius vivus cum syrupo simplici.

Saccharum quoque album, purissimum, cum dimidia aquæ quantitate in simplicem syrupum redactum, & cum argento vivo tritum, non tantillum subegit, At illud præter expectationem fuit phænomenon, quod, licet ipsum saccharum, aut syrups, nullum in mercurium subigendum efficaciam ostenderet, tamen addita gummi arabici mucilagine vim ejus constanter augeret, ita ut ope facchari, vel syrapi, mucilago hæc nunc multo firmius, & pertinacius quodammodo, cum argento vivo uniretur & cohæreret.

Adhuc notandum est, saccharum cum mercurio tritum nigrescere.

Idem experimentum cum syrups variis, diacodii, kermesino, viola-
rum

rum &c. repetii, & semper firmiorum mercurii subactionem cum muco inde observavi.

Simul sic mercurio varius a syrupo indui potest color, varius dari odor & sapor, sic vario sub colore suspiciosis velari mercurius potest.

EXPERIMENTVM XV.

Mercurius cum oleo lini & pinguedine.

Cum puro oleo lini argentum vivum nullo labore subigi potuit; sed cum glutinoso sedimento olei lini potuit tantillum subigi: affusa aqua congregatur sedimentum in butyri spissitudinem, cum hocce dividi, non subigi se permittebat mercurius. Coccione forsitan mercurius cum oleo aliquanto plus cogi potest, quod vero experimentum non tentavi.

Sed

Sed mercurius gummi arabico subactus facile cum oleo, pinguedine milceri potuit, nec adeo cito vafis fundum petiit, ac in vulgari unguento neapolitano folet. vide experimentum VI.

COROLLARIA.

Ex hisce experimentis (7. 8. 9. 10. 11. 12. 13. 14. 15.) evidenter patet:

1^{mo}. Inter substantias vegetabiles gummosas ac plasticas alias, solum gummi arabicum esse, quod proxime cum muco animali convenit, imo eidem ferme palmam præripit in subigendo argento vivo.

2^{do}. Eam mercurii ope muci animalis, & gummi arabici subactionem non fieri mere mechanica ratione, nec a solo lentore mucilaginis repeti posse:
nam

nam & multæ aliæ, etsi magis lentæ,
 magis tenaces substantiæ, haudqua-
 quam & longius contritæ id præstant;
 & aqua, quæ optimum ac genuinum
 gummosorum corporum menstruum
 est, nec mucum animalem, nec ara-
 bici gummi mucilaginem ab argento
 vivo separare jam potest, dum semel
 hæc bene inter se juncta fuerint, cu-
 jus rei contrarium manifeste obvenit
 in gummi Tragacanthæ, mucilagine
 cydoniorum semen, & aliis.

3^{io}. Ac proinde, etsi mechanica
 trituratio subactionem mercurii mul-
 tum adjuvet, veram tamen inter ar-
 gentum vivum ac mucum animalem,
 interque gummi arabicum affinitatem
 intercedere, eamque causam esse, cur
 hæc semel bene unita deinde adeo
 amico inter se vinculo nexa perstent,
 nec mucilago jam aquæ consortium
 ineat, quin simul una semper mercu-
 riis aquæ familiariter jungatur.

Ist-

Isthæc omnia cum viderem experientis comprobata, ac de vera affinitate mercurii cum saliva & muco animali, quam Clarissimus Amicus meus animo præfenserat, convictus essem, non jam dubitare poteram, quin ipsius opinio de actione hydrargyri in fauces ac salivæ vias præ cæteris omnibus plurimum probabilitatis haberet.

Verum cum gummi arabicum idem omnino, quod mucus animalis, insubigendo mercurio præstaret, videturque hoc aptissimum & maxime naturale mercurii vehiculum, quo mediente is omnibus nostri corporis liquidis permisceri posset, minus jam de hypothesi nostra solliciti, utilius collocatam operam nostram credidimus, si in ægris venerea labe infectis tentaremus ita præparatum mercurium, ut appareret, an in secundas vias tali sub forma transire queat; quodsi enim transire sic in sanguinem

C posset,

posset, non dubitabamus, quin efficacius, quam alia præparata mercurialia, luem venereum domaret, cum blandissimus sit, nec minima acrimonia lædere corpus possit, dum cætera præparata ob ingentem faliū adhærentium acrimoniam magna dosi propinari haud queunt, & exigua dosi data non nisi multo tempore, & lente admodum, morbum propellunt.

Promisi hinc illico me velle suafū & consilio Viri Clarissimi proxima occasione sic præparatum mercurium tentare, cum primum persona malo venereo infecta sese offerret.

Mox autem triduo abhinc se obtulit foemina venerea, cuius historia in prima observatione habetur; obtulerunt se postea & alii, subsequis observationibus descripti ægri.

In omnibus hisce cum viderem insignem & celerem efficacitatem mercurii gummosi, atque utilitatem ejus majorem, quam speraveram, & quam ab aliis præparatis mercurii intra tam breve tempus sperari potest, constanter observarem; cum præterea obstupescens viderem, nullam ab hoc remedio, licet copia majori exhibito, salivationem excitari, nisi alias adhuc in corpore restitet mercurius, aut sub curatione alias præter gummosum corpori inferatur, convictum omnino me sensi, hanc esse optimam mercurii exhibendi methodum, nec dari aliam, quæcum illa hactenus possit comparari.

Atque sic enata est hæc nostra methodus, quam ob rationes gravissimas, jam in præfatione dictas, una cum observationibus partim meis, partim ab aliis communicatis, in publicam lucem edere necessarium duxi.

C A P V T II.

Observationes practicæ, sistentes efficacitatem mercurii gummosi in morbis venereis.

OBSERVATIO I.

Mulier 28. annorum habitus sanguinei jam ab aliquot mensibus maculis venereis in fronte & facie, scabie turpissima in toto corpore defœdata, simul fluore albo laborans, vigiliis nocturnis, doloribus arthriticos vexata, pullos venditura ad me venit faciem linteo præ pudore velata. Nemo ab ea pullos emere voluit ob tantam fôrditiem. Ego illico cognovi morbum, quo examinato promisi, quia pauperrima erat, me ipsi velle gratis medicinam dare, si omni triduo vellet redire & mihi referre, quomodo se haberet.

Altero die purgans mercuriale assumfit, sequenti die sumere cœpit solutionis simplicis (n. 1.) mane & vespere cochleare unum, cum decocto farfaparillæ & cicutæ, balneumque domesticum adhibuit.

Triduo rediens, leve habuit dolorum solamen.

Ideo balneo uti, & solutionis duo cochlearia mane & vespere assumere jussi.

Triduo post rediens jam doloribus libera erat; maculæ quædam disparuerant; noctes habuit pacatores; flour autem albus idem fuit.

Die decimo tertio jam fere omnes maculæ evanuere, omnis abfuit dolor nocturnus. Novam ipsi adhibui solutionem mercurialem, cui simul balsamum copaivæ addidi, uti formula (n. 2.) præscribitur.

Re-

Rediit post octiduum mulier omnium symptomatum expers, excepto fluore albo, qui nil correctus erat, quia maritum venereum admisit, uti confessa est; jussi ut maritum adduceret, promittens me illum gratis curaturum.

Sed a prioribus malis libera, jam negligentior, nec monitis meis auscultavit, nec reversa est ab eo tempore.

Tamen vel imperfectam observationem istam hic sistere volui, cum saltem remedii nostri in prioribus malis debellandis promptam efficacitatem demonstraret.

Hæc mulier ultra tres drachmas mercurii gummosi abligurivit, & nec minimum salivationis dedit signum.

OBSERVATIO II.

Miles 30. annorum sanguinei habitus, ab aliquot mensibus gonorrhœa suppressa affectus, luem contraxerat, ac præter veneras in fronte maculas, in utroque ossis frontalis latere topum habuit latum, non adeo elevatum quidem, doloribus insuper arthriticis vexatus, & non modo in glande penis, sed & faucibus ulcerosus fuit.

Dato purgante incepit sumere quotidie duo cochlearia solutionis n. I. cum decocto sarsaparillæ sine lacte.

Omnia mala intra quatuordecim dies sine omni mota salivatione penitus evanuerunt, nisi quod, si aëre frigido exiret, apparerent admodum latæ maculæ, rubicundæ in fronte & facie, multum tamen a prioribus diversæ, & quæ hypocausti calore iterum spon-

te evanescabant. Idcirco ut adhuc repeteret remedium suasi; id fecit, & intra octiduum penitus curatus fuit.

Licet hic æger ab omni fere medicamento purgante ad levem salivationem alias moveretur, tamen a tribus mercurii gummosi drachmis, quæ pro tota curatione impendebantur, nullum salivationis signum percipi potuit.

OBSERVATIO III.

Miles 36. annorum, sanguinei habitus, gravem in dextro brachio ex causa venerea rheumatissimum patiebatur. In medio ossis humeri tophus surgebat incipiens. Ulcus præterea cariosum in capitulo superiori primi ossis metacarpi, quod indici digito respondet, aderat. Hæc mala jam ultra sex menses tulit.

Sed

Sed suppressa ante aliquot dies gonorrhœa testium dolorem, tumorem, & intermingendum stranguriam excitavit.

Primo die venæ sectio instituitur, & eodem adhuc purgans assumit antiphlogisticum; scroto fomentum emolliens applicatur.

Altero die emulsionem ex amygdalis, gummi arabico & syrupo diacodii, itemque decocti sarsaparillæ cum verbasco & althæa plura vasculæ haurit.

Sic per triduum continuatur; dolor in testibus cessat; non quidem reddit gonorrhœa, facilius tamen mittit urinam, testis sinister permanet tumidus, dexter diminuitur.

Ulceri carioso applicatur essentia balsamica, in qua grana duo sublimati

corrosivi soluta erant. Topho meum unguentum mercuriale (n. 6.) apponitur. Interne quotidie duo cochlearia solutionis (n. I.) cum decocto sarsaparillæ & emollientibus dantur.

Etiam testibus tumidis applicatur unguentum mercuriale meum cum unguento de lithargyrio commixtum.

Hæc omnia continuantur per undecim dies: tophus disparuit, testium infarctus resolutus, & rheumatismus curatus fuit; ulcus callositatem marginis perdidit, in tota superficie jam purum evasit; ideo eidem unguentum mercuriale balsamicum applicui.

Sic intra quatuordecim dies penitus curatus Viennam reliquit.

Per totum tempus, quo sex circiter mercurii gummosi drachmas hauferat, nullum dedit salivationis signum.

OB.

OBSERVATIO IV.

Homo 28. annorum habitus extenuati, jam ultra annum scabie sicca vexatus, demum simul gonorrhœa afficiebatur, quam modo jam ultra septem menses habuit.

Primo die purgatur, altero solutionem mercuriale balsamicam (n. 2.) incipit cum decocto sarsaparillæ, bardanæ & polypodii.

Intra octiduum nec gonorrhœa, nec scabies mutatur, sola urina multo copiosior fluxit.

Altero octiduo gonorrhœæ fluxus copia minor, & albidior evasit; sed eadem. Suasi ideo, ut aqua vegetominerali, quam ex libra una aquæ fontanæ & drachma una aceti lithargyrii composui, lavaret artus.

Nec

Nec sic mutatur scabies intra octiduum, licet gonorrhæa jam valde diminueretur.

Ideo contra seabiem sequens adhibui unguentum: R. pulveris hellebori albi, salis ammoniaci crudiana drachmam unam, axungiæ porcinæ uncias duas, olei rosacei gt. X. m. f. ung. Bis per diem modo hunc, modo aliud locum scabiosum in artubus illinivit; parum exinde dolebat & rubebat.

Sic intra octiduum a continuata solutione mercuriali balsamica gonorrhœa, & paulo post scabies penitus curata fuit.

Scabies autem hæcce venerea non fuit, sed aliunde acquisita.

Hellebori albi efficaciam in scabie jam aliquoties expertus sum, & debo hoc remedium clarissimo & expertissimo PRINGLE (*).

Ob-

OBSERVATIO V.

Vidua 47. annorum habitus extenuati jam ultra duos annos fluore albo maligno affecta, demum arthritide, cephalæa nocturna, faucium ulceribus, maculis venereis frontis & faciei admodum protuberantibus, condylo-matibus circa anum, ozæna narium, incipiente topho ulnæ sinistræ, scrophula in collo deturpata, meum implorat auxilium.

Dato purgante incipit altero die solutionis balsamicæ mercurialis (n. 2.) mane & vespere duo cochlearia sumere; bibit decoctum sarsaparillæ & cicutæ cum lacte. Fauces & nares gargarismate (n. 4.) sæpius de die eluuntur. Maculæ venereæ frontis & faciei quotidie bis solutione caustica (n. 3.) multa aqua rosarum diluta, tanguntur.

Ma-

* Observat. on the diseases of, the Army.
on the itch, page 311.



Maculæ venereæ intra t̄ies dies crūstosæ evadebant, & siccæ.

Intra octiduum dolores arthritici remittebant, maculæ crūstosæ jam penitus disparebant, adeo ut nec vestigium earum supersit.

Cæteræ symptomata manebant eadem.

Continuat per aliquot dies solutio-
nem mercurialem, sed febre intermit-
tente tertiana corripitur. Prohibeo
solutionem, & præscribitur a Medico
expertissimo, qui mihi hanc miseram
curandam dedit, purgans, & subse-
quis diebus cortex peruvianus.

Cessat febris intra quatuordecim
dies; symptomata venerea sunt ea-
dem exceptis faucibus, quarum ul-
cera emendata sunt.

Iterum incipit solutionem; sic fauces magis emendantur, nares vero magis tument; ideo cicutæ decoctum cum gargarismate mercuriali balsamico miscui, & ut naribus attraheret jussi; externe naso imponitur puls ex farina & lacte.

Sic intra quatuor dies detumescit nasus, nares magnam copiam puris saniosi plorant.

Vix elapso octiduo iterum febre intermittente admodum erratica corripitur.

Ideo ab omni mercurio denuo abstinuit, & purgata corticem repetiit. Febris intra quatuordecim dies ceslat (*), sed symptomata venerea, quæ reliqua adhuc erant, evadebant interea deteriora.

De-

*) Clarissimus PETIT Fater febrem quartanam quandoque suis venereæ symptomæ esse

Demum a febre intermitente libera, per tres septimanas solutione & cæteris remedii uti potuit, sic dolores arthrici, cephalæa, tophus & scrophula penitus evanuere.

Remansit fluor albus sed levior, albidior, ozenæ narium, & condylomata circa anum.

Condylomata solutione caustica modo tanguntur, & jam minora, crustosa

esse autumat, ideo in iis, in quibus luis phænomena ante plures annos comparuerant, per salivationem mercuriale sanandam febrem quartanam, quibusvis resistenter febris fugis voluit. *Memoir. de l' Acad. Royale de Chirurgie T. I. p. 347. &c.* Attamen huic opinioni contraria est *Illust. L. B. van SWIETEN Comment. T. I. p. 10.* observatio, qui per medianam salivationem quartanam febrem constanti typo pergentem videt. Ipse met attestari possum, me ab inunctione mercuriali in tribus subjectis venereis febrem intermittentem observasse, quæ nullo alio, quam cortice, remedio potuit curari, & dato iterum mercurio re-cruduit iterum aliquoties febris.

sa evadunt, cætera methodus continuatur & spero me illam penitus curaturum.

OBSERVATIO VI.

Vir 45. annorum habitus extenuatus jam a novem annis adeo reiteratis gonorrhœis erat affectus, ut vix octiduum sine hoc molesto stillicidio esset; effluens liquidum erat tempore, quo meam implorabat medicationem, tenue flavescens; in media urethra pruritum, atque sub urinæ emissione molestam tensionem, erigenteque se pene magnum ibi sentiebat dolorem. Fidem huic curationi, quæ injectione arcani alicujus liquoris ab empyrico quodam promittebatur, non adhiberet monui.

Altero die purgans assumpsit; die postera, cum abscessum in urethra latere suspicarer, candelam balsamo arœi illitam in urethram immisi.

Tertio die cum novam applicare ipsemet tentarem candelam, subito persensit dolorem in media urethra, & major, quam a cochleari coffee capi potuisset, copia puris flavi cum aliquot sanguinis guttulis fulito effluit.

Meæ solutionis mercurialis balsamicæ per octiduum mane & vespere duo cochlearia assumit; pro potu ordinario decoctum sarsaparillæ, & cicutæ cum lacte potavit bis de die. Per mediam horam candelam unguento mercuriali balsamico illitam sibi applicavit.

Hoc integro fere octiduo copiosa adfuit gonorrhœa.

Altero octiduo minuitur fluxus copia, & color ejus albidior evadit. Hac methodo continuatur, & demum candelæ

delæ siccæ (*) applicantur, sensim cessat omnis fluxus adeo ut trigesimo a curationis principio die, integre curatus Vienna proficisceretur promittens se mihi scripturum si rediret malum. Toto curationis tempore nullum exhibuit salivationis signum.

OBSERVATIO VII.

Vir 36. annorum sanguinei habitus jam ultra quinque annos reiteratis gonorrhœis affectus, modo simul glandis & præputii ulcuscula, unumque magnum in glande condyloma habuit.

Dato purgante subsequis diebus solutionem mercurialem balsamicam sumfit. Externe ulcuscula unguento mercuriali balsamico deligantur; con-

D 2 dy.

^{*)} Compositionem candelarum vide in expertissimi & eximii Goulard *œuvres chirurg.* T. II, quem librum satis æstimare non possum.

dyloma bis de die solutione caustica tangitur.

Priming diebus ampliora magis ac suppurantia evadent ulcuscula, octavo tamen die illa penitus curabantur, decimo tertio condyloma exsiccatum excidit.

Gonorrhœa minori copia fluxit, applicavi candelam unguento mercuriali illitam.

Sic quarta septimana integre curatus est, nec ullum sub curatione salivationis præbuit signum.

OBSERVATIO VIII.

Homo 28. annorum extenuati habitus a suppressa ante tres annos gonorrhœa arthritidem contraxit, demum colli scrophulosas glandulas & septem profunda admodum lataque fau-

faucium ulcera habuit, cum meæ se committeret curationi.

Primo die purgatur; altero solutio-
nis simplicis mane & vespere duo
cochlearia sumere orditur. - Babit pro
potu ordinario decoctum farsaparillæ,
cicutæ & specierum pectoralium cum
lacte.

Quarto die incepit exigua salivatio,
humor vero ejectus magis glutinosus
quam salivalis erat; sed sub ea faucium
ulcera admodum lardacea evadunt,
ideo bis quotidie penicillo, quod mel-
le rosaceo, pauca unguenti ægyptiaci
quantitate permixto, imbutum erat,
tanguntur. Sæpius eluitur os, & in-
jicitur faucibus gargarisma balsamicum
fine mercurio gumoso paratum. Ma-
ne & vespere solumodo unum solutio-
nis mercurialis cochleare assumere
ægrotus jubetur.

Continuat sic salivatio in septimum usque fere diem, sed placidissima sine gingivarum inflammatione, sine dentium vacillatione; unciæ tres, quatuor, salivæ intra diem ejiciuntur; ulcera quotidie puriora, minora evadunt. Demum, quod mihi maxime mirum fuit, cessat salivatio sub continuato solutionis usu, & licet iterum mane & vespere duo cochlearia solutionis assumeret, tamen per totum reliquum curationis tempus nullum amplius salivationis habuit signum.

Die decimo sexto omnia septem faucium ulcera penitus sanata fuere, arthritis penitus desit, rediit somnus.

Sed scrophularum una, ab empyrico quodam, emplastro vesicatorio (mernuente) eroditur, exulceratur. Ideo jussi, ut aperta scrophula, quæ tamen valde adhuc dura erat, unguen-

ento basilico , mercurio gummoso mixto deligetur , cæteræ vero scrophulæ cerato meo mercuriali fricentur & demum forma ſemplastri tegantur.

Sic intra octiduum omnes scrophulæ evanuere , aperta sanata fuit.

An in hoc caſu ſalivatio a meo mercurio inducta fuerit , an a priori mercurio adhuc in corpore retento quæſtio eſt. In 7^{tem} enim prioribus obſervationibus nulli ſalivatio fuit mota ; præterea hæcce ſalivatio ad ſep-tem ſolummodo dies duravit , nec continuavit aucta etiam mercurii mu-coſi quantitate , quem adhuc per tres ſeptimanas repetiit. Denique hic ho-mo per tres jam annos varia præpara-ta mercurialia , & non diu ante meam curationem , frictiones ad ſalivatio-nem uſque adhibuit , per quas tamen curatus nunquam fuit.

Ex subsequis tandem observationibus edoctus sum, illis ut plurimum subjectis salivam moveri, quæ mox ante usum mei mercurii vel sub usu mei mercurii, adhuc externe vel interne sibi alium mercurium in corpus ingerunt. Id ab emplastro vigenis, ab unguento neapolitano officinali, a mercurio dulci, & a spiritu frumenti vidi.

Videtur mercurius gummosus adeo adaptare vias salivales, ut aliis vel antea vel sub gummosi usu ingestus eo facilius salivationem efficere valeat.

OBSERVATIO IX.

Puella 18. annorum sanguinei habitus jam ultra medium annum vulvæ labia, perinæum, & ani totum ambitum innumeris parvis condylomatibus

bus obductum habuit, cum fluore albo fœtido.

Purgatis primis viis incipit sumere solutionem mercurialem balsamicam, bis quotidie solutione caustica crustæ condylomatofæ tanguntur, sic intra tres septimanas condylomata, quarta autem hebdomade fluor albus evanuit.

Molestum insuper habuit vaginæ pruritum post sanata jam condyloma-ta, sed perstante adhuc fluore albo. Intra triduum hic pruritus evanuit in unctione vaginæ, cum unguento mercuriali mucoso, & usu trium balneo-rum aquæ Danubianæ.

OBSERVATIO X.

Homo 35. annorum jam ante duo-decim annos bubone venereo resoluto arthritide corripitur atroci, quæ variis remediis mercurialibus tractata, di-

D 5 mi-

minuebatur quidem, non autem integre evanescebat. Jam vero a sex annis perpetua arthridide affectus vixit; & ultimo anno gummi venereum surgit e septima costa vera sinistri lateris, hoc gummi sensim exulceratum magnam copiam sanie purulentæ plorat, exsiccantibus tractatur, & partim pro arthritide partim pro gummoso ulcere sanando balneum badense præscribitur ægroto, balneo hoc uti inceperat, at cum tertia vice in balneo esset, hemiplegia afficitur, unde Viennam redit æger. Arthritis, licet adesset di-midii corporis immobilitas, adeo tamen valida erat, ut præ dolore perpetuo clamaret.

Sic inveniebatur æger ab Eximio Chirурgo, qui mihi eundem monstravit & dein cum expertissimi medici assensu meum ipsi præbuit mercurium gummosum, cum decocto sarsaparillæ & lacte. Exulcerato gummoso tumori

mori unguentum mercuriale balsamicum imponebatur.

Tertio die jam melius & cum minori dolore ægrotus digitos movere valuit; plus sanie plorare incepit exulceratus costæ tumor.

Decimo quarto die gummi resolutum & consolidatum erat, ipsa arthritis & paralyfis venerea intra quator septimanas evanuerunt penitus, solus dolor ischiaticus adhuc supererat, pro quo penitus sanando Cl. Medicus pillulas ex mercurio gumoso, cicuta, & camphora præscripsit, & jam post tres dies etiam hicce dolor fere evanuit.

OBSERVATIO XI.

Puella 23. annorum jam a sex mensibus scabie venerea & condylomatibus admodum cristosis posticam collis partem, buccas, & manus obsitas ha-

habuit. Fluore albo, & intolerabili-
bus rheumaticis arthriticisque vexata
fuit doloribus, præsertim de nocte.
Magnus denique tophus dextram oc-
cupavit tibiam.

Intra quartuordecim dies scabies
condylomataque emendata erant solo
mercurii mucosi & sarsaparillæ usu,
simul omnes jam abierunt dolores.
Nullum hucusque dedit salivationis
signum.

Sed ab hoc tempore topho, cuius
altitudo pollice quidem jam minor
erat, applicatur emplastrum Viginis,
& puella post sex dies sputationem
aliquam, incommodamque sentiebat
deglutionem, ideo dabatur purgans,
fauces aqua vegeto-minerali eluebantur,
& sic intra triduum lenis hæc saliva-
tio omisso emplastro & mercurio mu-
cofo cessavit.

Post hoc tempus iterum incepit sumere solutionem meam & sine animadversione salivationis penitus curata fuit: hoc vero mirum est sub usu hujusce remedii novum tophum in tibia sinistra apparuisse & post aliquot dies iterum evanuisse.

OBSERVATIO XII.

Infans unius & medii anni, cujus parentes venerei non erant, jam a medio anno condylomata circa anum, rhagodes & ulcuscula in labiorum oris angulis habuit. Parentes credebant a linteis infanti suppositis, quæ forsan alias simili morbo infectis supposita erant, miasma venereum fuisse communicatum.

Cl. Medicus dato leni purgante, præscripsit mercurii gummosi 3*fl.* in unciiis duabus syrapi violarum subacti, & una uncia aquæ fumariæ diluti.

Ab

Ab'hocce syrupo mane & vespere
cochleare coffée infanti datur cum de-
cocto farfaparillæ. Condylomata so-
lutione caustica , aqua roscarum diluta,
bis tanguntur , & illico unguentum
eis applicatur.

Oris vero anguli exulcerati unguen-
to mercuriali balsamico meo bis de
die illinuntur.

Hacce methodo effecimus , ut infans
quarta nocte jam bene dormiret , qui
jam ab aliquot mensibus admodum
inquietas habuit noctes , oris anguli
magis exulcerabantur per duos dies ,
dein vero puriores evadebant , & de-
cimo die jam sanati erant.

Condylomata exficcata evanuere
die vigefimo tertio. Infans optime
se habet & nullum salivationis præ-
buit signum.

Possem hisce plures alias observatio-
nes adjungere, quibus felix istius re-
medii & prompta efficacia ulterius
comprobaretur; sed eas utpote mino-
ris momenti, nec prioribus magnitudi-
ne morbi pares, volens prætereo, da-
turus alias, si quæ in posterum notatu
digniores occurant, historias.

Cæterum spem felicis indies suc-
cessus inde concipere me posse videor,
quod passim jam ab expertissimis huius
urbis medicis hoc remedium ægris &
repetitis quidem vicibus præscribi in-
telligam. Magis me confirmavit Exi-
mii & primarii Cataphractæ equitum
legionis Daunianæ Chirurgi MEDE-
RER amica relatio, quæ insignem hu-
jus remedii effectum in pluribus casi-
bus testatur (*).

In

*) Mit der von ihnen erfundenen Art das Queck-
silber in dem Wasser zu geben habe ich zwey,
und der Herr Staabs-Chirurgus Zersen in
Arad etliche dreissig Versuche gemacht; der
glück-

In omnibus fere, qui hoc remedio usi sunt, adauctam observavi secretionem urinæ, quæ & copiosa & saepe mucosa graveolens profluxit. In aliquibus tamen spatio quorumdam dierum copiam sudoris spontanei, levantis, in nullo diarhœam, salivationem, nisi alia mercurii præparata intervenissent, deprehendi. Alvus in omnibus erat libera, etiam iis, qui alias constipata laborabant.

In aliquibus gonorrhœam, in aliis fluorem album iterum per aliquot dies revocatum vidi.

In

glückliche Erfolg hat den Gebrauch dieses Mittels auch in das Spital nacher Temesvar übersetzt, wovon ich Ihnen ausführlichere Berichte einsenden werde &c.

Siclo nächst Arad
den 1. Augusti.

M E D B R E R,
RegimentsChirurgus von B.
Daunischen Curassier - Re-
giment.

In bubonibus induratis jamque vetustis nil adhuc peculiare vidi. Vidi utique mollescere hujuscemodi tumores externe applicato atque intus exhibito gummoso mercurio; sed perfectam resolutionem hactenus attingere non potui. Neque id mirum videri debet, cum perspectum sit omnibus, quam pertinaciter istae indurations & quamdiu omnibus medicamentis etiam optimis resistant.

C A P V T III.

*Conjectaria ex observationibus partim hisce,
partim aliis deducta, morbos venereo-
spectantia.*

Scilicet an mea methodus aliis praeferenda sit, doceat accurata hujus methodi cum aliis usitatis comparatio.

Viget autem hodieum triplex mercurii exhibendi methodus. Primi merrium vivum externe ad salivatio-

E nem

uem usque inungunt, salivationem per aliquot hebdomadas adhibent, & sic suos ægros curare tentant.

Alii mercurium vivum ~~externe~~ⁱⁿ parva dosi & interpolatis purgantibus fine excitata salivatione suis ægris adhibent.

Alii denique varia præparata mercuralia ore assumenda præbent.

Ut autem miasma venereum a mercurio iners reddatur quinque requiruntur a Pathologis postulata.

1) Ut tanta in corpus ingeratur mercurii quantitas, quæ quantitati miasmatis in corpore existentis demandæ, ac destruendæ sufficiat.

2) Ut mercurius per omnia & minima vasa ruat.

3) Ut quamlibet guttulam nostrorum humorum imprægnet.

4) Ut per aliquot tempus maneat nostris humoribus junctus, & saepius cum iis circumducatur.

5) Ut demum miasma cum mercurio per vias naturales commode ex corpore eliminetur.

An jam hæc quinque requisita prima, secunda, vel tertia methodus habeat? anque mea methodus hæc præstet? paucis videndum est.

In salivatione mercuriali copiose quidem miscetur mercurius humoribus nostris, sed per salivationem cito nimis iterum ex corpore ejicitur; nam cum saliva primis diebus ejecta simul ejici, docet aurum in ore retentum; quod a tali saliva albescit, sed si non iterum novus ingeratur mercurius, salivatio continuata non amplius dealbat aurum, certo signo, quod omnis mercurius iterum ex corpore sit eliminatus

(*). Hæc ratio mihi videtur, quod multi repetita etiam salivatione curatione non fuerint; præsertim ii, in quibus brevi post secundum, tertiamve inunctionem, jam salivatio copiosa orta fuit, qua cito iterum mercurius elabebatur.

Præterea admodum *incommoda* est salivatio, est *periculosa*, nec certo curat, nec *critica* est, nec *omni subjecto* adhiberi potest, nec *necessaria* est.

Id demonstrari potest per partes. Et *incommoda* quidem sponte patent, si modo considerentur tædiosæ inunctiones, angina mercurialis, perpetua febricula, continua per sex & plures hebdomadas sputatio, necessaria ab omni fere cibo continentia, perpetuus timor suffocationis ad auræ frigidioris allapsum, molestissima faucium exul-

*) *Illustris Rosen von Rosenstein Abhandlung von denen Kinderkrankheiten C. de lue venerea*

exulceratio, oris fœtor, & emaciatum denique post curationem corpus. Nil dicam, quod domi perpetuo vel lecto affixi, vel cameræ inclusi, in putrida atmosphæra versari debeant ægri, etiam amicorum commercio privati. Nec plura jam addo, quum graphice salivationis incommoda descripsérunt *Illust. L. B. van SWIETEN* (*).

Sed & *periculosa* est salivatio; nam subinde etiam ab optime instituta hydrargyrosi violentiorem febrem, diarrhoeam; dysenteriam, hæmoptoen, maxmillarum immobilitatem, quin & suffocationem secutam fuisse testatur Clárisimus ASTRVC (**) & post illum expertissimus LOCHER (***) .

Nec salivationem *certum* esse luis curandæ remedium, ex eo patet,
E 3 quod

*) Comment. T. I. §. 135. pag. 206. 207.

**) In libro de morbis venereis.

***) Maximil. LOCHER observ. practicæ circa luem p. 12.

quod non adeo rara sint ægrorum exempla, quibus post unam & alteram legitime institutam salivationem plura mala venerea redierunt. Præterea ipse expertissimus ASTRVC candide fatetur, nec gonorrhœam, condylomata, nec fistulas, nec dolores osteocopos, exostoses, scirrhos, cariem, rhagades, ulcera contumacia, herpetem, lichenes, gummata, carcinomata, potuisse salivatione etiam legitime instituta persanari (*).

Nec *critica* est. Nam sponte excitata salivatione venereum quemdam curatum fuisse, nulla observatio testari potest. Præterea innumeræ dantur sine omni salivatione optime curatorum, labe venerea infectorum hominum, observationes. Et sanissimus homo mercurio inunctus etiam fœtem cum symptomatibus iisdem, ac venereus, salivam ejicit.

Nec

*) L. c. a. pagina 427. ad pag. 453.

Nec in *omni subiecto* adhiberi potest salivatio. Nam nec gravidis, nec infantibus, nec pectore morbosis, nec jam valde emaciatis, nec epilepticis, nec qui scrophulofas, aut valde exefas habent fauces &c. salivatio adhiberi potest.

Nec *necessaria* est pro lue curanda; cum innumera habeantur exempla hominum valde syphiliticorum sine omni salivatione optime curatorum; cumque experimentis demonstretur, solum mercurium sufficere ad miasma venereum debellandum, facile patet, salivatione ad luem curandam opus non esse; potestque mercurius cum miasmate venereo commodius & facilis per vias consuetas, puta transpirationem, alvum & urinam expelli.

Cum jam mea methodus nec incomoda, nec pericula salivationis habeat, cumque salivatione certior sit, & cum in *omni subiecto* adhiberi pos-

sit, facile patet in quantum salivatio-
ni præferri debeat. Transeamus ad
alteram methodum.

Maxime ob salivationis incommo-
da & pericula Clarissimi Viri CHICOY-
NEAU & HAGVENOT mercurium par-
vis dosibus illiniendum volebant, &
interpolatis purgantibus, ut salivatio
impediretur. Verum & hac metho-
do ipsa non raro præter exspectatio-
nem mercurius, pauca licet quanti-
tate illitus, salivationem non coer-
cendam efficit, & incommode aegris
regimen adhiberi debet, & quia mer-
curius interpolatis purgantibus perpe-
tuo iterum ex corpore ejicitur, cura-
tiones non adeo perfectæ, & admo-
dum lentæ fiunt, ut ego saltem per-
fæpe vidi.

Jam tertia methodus examinetur.
Inter præparata mercurialia mercurius
dulcis, sublimatus corrosivus, præci-
pitatus ruber, & panaceæ variæ refe-
run-

runtur. Sed hæc omnia acria & venenata sunt ; hinc magna dosi dari non possunt , nec debent , & parva dosi data ob exiguam mercurii copiam lente agunt , hac saltem virtute , qua miasma destruunt.

Ex his solus mercurius corrosivus sublimatus spiritu frumenti solutus experientia adhuc efficacissimus invenitur ; acris enim & venenata ejusdem indoles oleo vini involvitur , caute & cum obvolvente decocto datus raro salivationem efficit ; nauseosus spiritus frumenti sapor syrupo corrigi potest , multa aqua dilutus etiam debilioribus subjectis exhiberi potest . Et omnino expertissimi LOCHER , aliorumque Clarissimorum Virorum experimenta docuerunt , in millenis casibus hoc remedium insignis esse efficaciam , si caute & sat diu detur , quod & ego per sex & ultra annos in castis ultimo bello expertus fui .

Cæteras mercurii exhibendi methodos non examino, cum vel inefficaces sint, vel inconsuetæ: sic æthiops & cinnabaris jam a Summo BOERHAAVIO (*) interne data in lue venerea inefficacia habentur. Sic quidam mercurium vivum cum purgantibus, alii cum balsamo peruviano, cum terebinthina, alii cum camphora & faccharo exhibent, sed per hæc addita, prout varia est additi virtus evacuans, nimis cito mercurius iterum & quotidie per alvum, per urinam, vel per sudorem ejicitur, vel cum sæpius hæc addita mercurium a salivatione cohíbere non valeant, is per hanc viam adhuc citius elabitur.

Ex his ergo patet, mercurium gummosum, quia incommoda & pericula salivationis vel nunquam vel rariſſime timenda habet, quia magna & requisita dosi ingeri tuto potest,
quia

*) Chem. T. II. p. 432. atque Tom. I. pag.
576.

quia facilius cum nostris humoribus fluit, quia citius in miasma venereum agit, quia omnibus subjectis exhiberi potest, ideo aliis mercurii exhibendi methodis esse præstantiorem.

Liceat jam hisce confessariis adhuc jungere sequentia.

1. Solus mercurius sufficit ad miasma syphiliticum debellandum.

2. Mercurius topice locis venereis applicatus citius agit & certius in miasma, quod topice alicui parti adhæret.

3. Ideo præter internum etiam externus ejusdem usus adhiberi simul debet.

4. Sed mercurius maxime miasma, non autem effectus a miasmate jam factos, e solidis nostri corporis partibus aufert. Id docent morbi post salivationem relicti.

5. Ideo sub usu, vel post usum mercurii, pro varietate symptomatum adhuc alia indicata remedia venereis exhiberi debent.

Hinc nemo mihi succensere debet, quod saepe pro ratione circumstantiarum alia medicamenta mercurio admiscuerim. Specificam autem cuiusvis mali venerei medelam proximo libello communicabo.

C A P V T IV.

Nova hypothesis de actione mercurii in vias salivales.

Mercurius inter omnes humores animales cum muco maximam habet affinitatem. Id evidenter docent experimenta 1. 2. 3. 4. 5. 6. cum eo enim facilime subigitur, & subactus manet etiam aqua dilutus, & spatio aliquot mensium asservatus. Nec idem cum sanguine,

guine, sero, bile, ovi vitello, albu-
mine, glutine animali succedit.

*Mercurius gummi arabico subactus si-
milimus est illi, qui per mucum animalem
revinctus est, & ope hujus menstrui fa-
cillime cum cæteris nostri corporis liquidis
miseri potest. Hoc docet experimen-
tum VIII.*

*Mercurius vel per os, vel per vasa,
resorbentia externæ corporis superficie in
massam sanguineam ductus omnium syste-
matum mucosorum primum invenit in fau-
cibus. Per aortam enim ejactus, in
carotides & subclavias arterias pulsus,
nullibi glandulas mucosas obvias ha-
bet, nisi in faucibus & narium antris.
Huc appulsus lege affinitatis & ad-
hæsionis muco jungitur, & in hisce
glandulis retinetur, præterlapsum
eadem, nisi humoris mucidi amici-
tia retineretur.*

Hinc intelligitur, unde illa conge-
stio humorum, & tumor faucium an-
te

te salivationem oriatur. Patetque haudquaquam a sola circulatione, aut impetu argenti vivi, sed ex singulari ejusdem cum muco affinitate rationem esse petendam, cur hisce organis præcipue adhæreat. Atque istud primo demonstrari oportebat; nunc ad alia transeo, ut intelligatur ratio salivations.

Omne sistema secretorum specificam habet irritabilitatem, qua fiat, ut non promiscue ab omni, sed a certo solum, & specifico stimulo moveatur. Id per observata plurima evictum est, & pro certo assumi potest. Ita cantharides maxime movent sistema urinarium & spermaticum; emetica ventriculum; purgantia etiam per venas canis injecta, vel infantis abdomini extrinsecus illinita intestinorum sistema nerveum movent, & diarrhoeam provocant; fumus accensi sulphuris præ omnibus pulmonum nervos vellicat, nares hominis

minis non movet facile; fatuus betæ succus, omnis acrimoniam expers, narium systema in sternutationem ciet (*); Lux vividior solum oculum gravius afficit, in toto reliquo corpore nullam mutationem producit.

Quid igitur repugnat, quominus eadem ratione salivæ ac muci organa a mercurii specifico stimulo ita irritentur, ut nunc muci ac salivæ secretio multo, quam ante, uberior fiat? Hæc opinio, præterquam quod certis nitatur fundamentis, etiam phænomenis exacte quadrat.

Video autem, quid possit opponi. Nempe, detur etiam, mercurium in mucosis faucium glandulis uniri muco, & retineri, & stimulo suo hæc organa afficere, non ideo perspicitur, cur ex salivalibus glandulis maximum oriatur profluvium, cum certe mercurius non perinde facile saliva, ut muco, subigatur.

Ad

*) Clarissimi Profess. CRANTZ mat. med. T. I.

Ad hanc objectionem commode responderi potest, neque adeo ex ingenio, quam ex phænomenis naturæ. Arenula in oculum illapsa sequitur ingens lacrymarum profluvium, irritata glandula lacrymali, etsi ad illam arenula nunquam pertigerit, nec per tingere possit. Acri aromate apici linguae imposito mox copiosum salivæ profluvium oritur, etiam sic irritatis glandulis salivalibus, dum tamen stimulus non his, sed linguae papillis fuit applicatus. Et nauseante ventriculo salivare incipiunt homines, causa in diffito loco hærente, & salivant pariter plumula irritatis faucibus.

Etsi igitur mercurius potius in mucosis faucium, quam salivalibus glandulis, accumuletur, potest tamen posteriores has vel per consensum efficaciter irritare, ut augeatur salivalis laticis secretio, etiam magis, quam ipsius muci.

Ergo salivationis a mercurio inductæ causa ex adhæsione hujus ad glandulas fatuum mucosas, & inde orta per consensum salivalium glandularum irritatione, repetenda videtur. Nec mirum videri debet, etiam a blando & simplici mercurio, nullis salibus exasperato, salivalia organa irritari. Non est de natura stimuli irritantis, ut sit acrimonia præditus; fatuus betæ succus irritat nares & fortè ciet sternutationem. Tepida aqua blandissima cor & intestina irritat, & horum motum fuscitat. Est enim peculiaris partium diversarum corporis humani irritabilitas, & sunt, qui huic respondent, stimuli quoque peculiares.

Mercurius gummi arabico subactus specificum suum stimulum in salivalia organa exercere nequit. Hoc docent omnes observationes practicæ recensitæ C. II. Novi etiam subjecta admodum pituitosa, quæ mercurium dulcem diutius

sine salivatione assumenterant. Novi etiam duos ægros, quibus ex aliis præparatis mercurialibus oborta salivatio statim minuebatur, ac demum cessabat, gummi arabico in emulsione exhibita. Discimus hinc, quam miræ & non prævisæ corporum proprietates ex diversa horum mixtione oriantur. Simplex mucilago demit mercurio stimulum suum specificum, dum interim vim ejusdem antiyeneram illibatam conservat! Rectissime hinc præcipit *Illustr. L. B. van Swieten*, ut ægri, qui spiritu frumenti cum mercurio utuntur, largam decocti hordei, vel alterius cujuscunque emollientis copiam potent (*). Nempe hæcce mucilaginosa aptissima sunt obvolvendo mercurio, ne is stimulo suo salivam cieat.

Mercurius muco subactus facilius ex primis viis, aut externa corporis superficie in

*) In epistola ad Clariss. Joh. Benevenutum, quæ inserta est comment. de reb. in scient. nat. & med. gestis. T. V. p. 717.

in sanguinem transit, quam mercurius vivus non subactus. Vivus enim mercurius deglutitus e primis viis iterum suo pondere elabitur, nec adhæret intestinis, & licet præsto sit mucus primarum viarum, tamen cum hoc illum non adeo bene subigi posse, ut adhæreat, ac illud extra corpus humanum ope pistilli fit, quivis facile perspicit. Nam & ipsæ mercurii particulae sese attrahunt mutuo, & quamdiu hæc attractio fortior est attractione earundem cum muco, tam diu nulla vera subactio contagiare potest.

Mercurius mucosus facilius & æquabilis per vasa fluit. quam unguento pingui inunctus. Minorem habet mercurius cum pinguedine, quam cum muco, affinitatem (*). Hinc saepe cum pinguedine inunctus mercurius, dum in corpus penetravit, iterum sese pinguedine exuit, & partim glandulas faucium petit, salivationem ciens,

F 2 par-

*) Videatur Experim. VI. nec non Exper. XV

partim ad muciparos intestinorum folliculos ruit, diarrhoeam provocans, partim sinoviales glandulas intrat, articulorum impedimenta efficiens, praesertim vero genuum, ob majorem hie loci glandularum mucosarum copiam. Fauces enim, intestina, & articuli potissimum a mercurio afficiuntur, ut vidi. Contra vero mercurius muco subactus, omnibus corporis humani liquidis miscetur facile, (per experim.); cum omnibus ergo liquidis & per omnia fere vasa fluere inoffenso pede potest, & per universam humorum massam distribuitur aequabiliter; nec est ratio cur jam remoram patetur in organis mucosis, dum sufficienti muci copia jam saturatus est. Hinc etiam intelligitur, cur mercurius mucosus, etiam magna quantitate sumtus, salivationem non moveat; & hinc etiam citior ejus, quam aliorum preparatorum mercurialium in lue domanda effectus est, cum per omnem

nem sanguinis massam æqualiter diffundatur, & ea dosi sine noxa sumi possit, qua nullum aliud. Hoc docent observationes nostræ, si cum aliis conferantur.

Quomodo vero mercurius agat in miasma venereum, illudque destruat, nemo opinor dicere poterit, nisi prius ipsius miasmatis bujus natura perfecte cognita sit. Ego hac in re lubens meam fateor ignorantiam, & ea ipsa, quæ de salivationis theoria protuli, ut hypothetica interim, judiciis Maximorum Virorum proposita tantummodo volo, gratulaturus mihi, si quis alias meliorem de mirabili argenti vivi actione theoriam invenerit, demonstrarit.

FORMVLAE MERCVRIALES.

N. I. *Solutio mercurialis simplex.*

R. Mercurii vivi depuratissimi. drachj.

Gummi arabici drachm. II.

terantur invicem in mortario lapideo, addito medio cochleari aquæ fumariæ,

donec mercurius penitus dispareat in
mucum.

Exacte subactis admisce sensim con-
terendo

Syrupi Kermesini Unc. 3.

Aquæ fumariæ Unc. VIII.

D. S. mane & vespere cochlearia duo.

N. II. *Solutio mercurialis balsamica.*

R. Balsami Copaivæ

Gummi arabici ana drachm. 3.
terendo subigantur. Exacte subactis
adde sensim conterendo

Syrupi kermesini drach. II.

Aquæ fumariæ Unc. II.
tota hæc solutio misceatur cum priori
N. I. bene concusso vase dentur mane
& vespere cochlearia duo.

N. III. *Solutio caustica pro condylomaibus.*

R. Aquæ fortis Unc. I.

Mercurii vivi drachm. II.

Plumbi simpl. drachm. I. 3
fiat leni calore solutio.

N. IV.

N. IV. *Syrupus mercurialis.*

Rx. Mercurii vivi drachm. β .

Gummi arabici. drach. I. β .
terantur invicem in mortario lapideo
addito medio cochleari aquæ fumariæ,
donec mercurius dispareat in mucum,
senzim conterendo admisce

Syrupi violarum Unc. II.

Aquæ florum sambuci Unc. I.

D. S. pro infante cochleare coffee
mane & vespere.

N. V. *Pillulæ mercuriales*

Rx. Mercurii vivi dr. I.

Gummi arabici dr. II.

Terantur invicem addito medio coch-
leari aquæ in mucum.

Huic bene subacto adde

Extract. cicutæ 3j.

Pulveris liquiritiæ q. s.

m. f. pil gr. ij. S. mane & vespere 6.
pro dosi.

N. VI. *Unguentum mercuriale simplex.*

Rx. Mercurii vivi

Gumini arabici aa Unc. β .

Subigantur addito cochleari aquæ in mucum.

Huic admisce

Unguenti nutriti recent. Unc. I.
m. d. usui.

Subinde camphoram & saponem nigrum, quando tumoribus induratis, subinde balsamum, quando ulceribus illud adhibui, addidi.

N. VII. *Ceratum mercuriale simplex.*

R. Mercurii vivi

Gummi arabici aa Unc. 3.

Subigantur addito cochleari aquæ in mucum.

Adde ceræ liquefactæ &
butyri Cacao q. S.
pro formando cerato. d. usui.

F I N I S.

















